



En dumënia, ai 27.10.2013 complësc **Sepl Daprè** d'Anvi 92 agn y **Franz Pedratscher** da Oies 87 agn. L'Seniorenclub y düta la comunità ti aoda a trami dui dütt l'bun, sanité y benedisciun de Dî.

N curs da decoré fosses organisëia la Uniu dles Patrones ai 21.10.2013 dales 13:30 tl salf di stüdafüch a S. Martin. Informaziuns y iscriziuns pro Loise Verginer al nr. 0474/590026.

Dé dles biblioteches: düc chi che à ligrëza da li é dër bel invià en vëndres, ai 25.10.2013 dales 20:00 te biblioteca a Pedraces por na incuntada cun i amisc dla letüra.

Informaziun KVW: al vëgn lascè alsavëi che an po bel sëgn çina ai 31.12.2013 fà la domanda di assegni familiars cun la detlaraziun EEVE. Por i assegni dla regiun él na novité: dütes les families che à almanco 2 mituns y de chisc un sot ai 18 agn po sëgn fà la domanda. Informaziuns ves dà Iaco Clement tl ofize KVW a Pedraces y por la domanda EEVE él da telefonè al KVW da Bornech al nr. 0474/413707.

Proiet dl parlamënt europeich "Salvè vites po vignun - incè tö": chësta dumënia, ai 20.10.2013 dà la Crusc Blanca informaziuns sura chësta tematica (reanimaziun, cherdada d'emergenza y.i.i.) te chisc posc: La Val (stüdafüch) 09:30 - 12:00, La Ila (calonia) 09:30 - 12:00 y Corvara (salf manifestaziuns) 10:30 - 13:00. Düc é invià.


Gran batadù tl Museum Ladin Ciastel de Tor: en colaboraziun cun l'Uniu di Stüdafüch da S.Martin vëgnel organisé en dumënia, ai 27.10.2013 dales 13:30 l'gran batadù. Les iscriziuns vëgn tutes sö danfora al nr. 339/7685970 vigni domisdé. I Museums Ladin y Ursus Ladinicus à çiamò davert çina ai 31.10.2013.

Informaziuns dal Comun:

1) la **sënta litala nr.1 (Badia)** vëgn spostada tl salf dles reuniuns dla Çiasa de Comun, str. Pedraces 40. Porchël gnarà les lites provinziales dla proscima dumënia tignides dailò y nia plö te palestra.

2) la **strada nöia d'Anvi-Oies** gnarà sarada por laürs y por asfaltaziun dal 22 al 24 y dal 28 al 31 de otober dales 07:30 ales 17:30.


Novité: i sac dla Caritas mëss gni portà chësc ann **tl plaza dl implant portamunt Piz La Ila** y **nia plö** te çiasa parrocchiale: dal vëndres, 08.11.2013 domisdé çina la sabeda, 09.11.2013 dales 10:00.



Usc dla Cüra **BADIA**

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 47	Edema: 20.10. - 27.10.2013
--------	----------------------------



*Düt l'bun ai iubilaris
y che Dî sides
graziant y
i benedësces!*

Vangele dla Dumënia che vëgn - XXX dl ann „C“
Dal Vangele do San Lüca 18, 9-14

Te chël tēmp ti à Gejù cuntè a n valgügn che minâ de ester iüsc y che desprijà i atri, chësc ejēmpl: Dui èi ê jüs sö tl tēmpl a perié; un ê n farisê, l'ater n publican. Le farisê é jü dant y à dît daplan chësta oraziun: Idî, i te rengraziëii, che iö ne sun nia sciöche l'atra jënt, i leri, i sbordenadus, i adulteris o incè sciöche chël publican dailò. I jini dui iadi al'edema y ti dà al tēmpl le dieje de döt mi vadagn. Le publican deperpo stô jödapé y ne s'un fidâ gnanca da alzè sü edli a cil, al se batô söl piet y periâ: Idî, mēnete picé de mè piciadù!

I ves diji: Chësc é jü iustifiché a çiasa, l'ater no. Deache chël, che s'inalza instës, vëgn ar-bassè, mo chël, che s'arbassa instës, gnarà inalzè.


FUNZIUNS SACRES

20.10. **XXIX. DUMËNIA dl ANN C** – Dumënia dles misciuns

“Festa di iubilars de matrimone”

- 10.00 Mëssa por la Comunità
15.00 Festa da Bato
18.00 †to Friedl Valentin – aniversar
†ti Clara y Pire Pescoller - aniversar
†ta Nane Pitscheider Piccolruaz

• *En chësta dumënia jarà l'oferta ales misciuns* •



21.10. Lünesc – Mëssa cun i crejimà y studënc

- 19.30 †to siur Laurënz Irsara - otavare
†ti Vijo y Zisca Canins - aniversar
ad intenziun de Monica Saning

23.10. Mercui – Mëssa cun i scolars dla elementara

- 07.30 †ta Rosina Pitscheider
por fam. Martin y Erna Irsara
por fam. Carlo y Irma Tasser en ringraz. a S.Maria

25.10. Vëndres

- 07.30 †to Giovanni Dapunt - aniversar
†to Giancarlo Bertuolo - aniversar
por fam. Iaco y Giovanna Clement

26.10. Sabeda

- 16.00 Mëssa a Oies

27.10. **XXX. DUMËNIA dl ANN C**

- 10.00 Mëssa por la Comunità
14.00 Prozesciun dl KVV cun Via Crucis a Oies
18.00 †to Carlo Pallestrong – aniversar
†to Antonio Palumbo
por fam. de Lucia Frenademetz Irsara

• *al mët man l'ora da d'invern* •


Dala VITA dla CÛRA



Orar dles mësses a Oies dal 19 de otober inant:

Mertesc y jöbia dales 10:00 – mercui dales 20:00 - vëndres y sabeda dales 16:00.

Confesciuns: recordun che bele en dumënia, ai 27.10.2013 dales 17:00 ales 18:00 saràl ocasiun da se confessè en preparaziun a Gnissant.



En sabeda, ai 19.10.2013 a S.ta Magdalena de Funes s'à uni ti Sacramënt dl **MATRIMONE** Valentin Stefan da Pransarores cun Verginer Barbara da S. Martin y ai 05.10.2013 a Sares se à maridé Burino Cinzia da S.Linert cun Stampfl Robert. La Comunità ti aoda a trames dües les copies tröpa ligrëza y benedisciun de Dî sön so tru deboriada.



Chësta dumënia, ai 20.10.2013 ciafa l'Sacramënt dl **BATO** les piceres Maria Chiara de Paolo Pitscheider y Esther Moling y Anna de Thomas Nagler y Sabine Miribung. Ales piceres che tolun sö cun ligrëza te nosta comunità cristiana y a sües families les mius audanzes.

Legio Mariae: chësc grup se abina en jöbia, ai 24.10.2013 dales 14:00 te dljia por n'ora de oraziun. Düc é bel invià.

Prozesciun a Oies: l'KVV dla Val Badia inviëia düc a tó pert ala “Via Crucis” da San Linert a Oies en dumënia ai 27 de otober dales 14:00 dala dljia de Badia demez. A Oies saràl na picera funziun y dedò gnaran indô jö en prozesciun.

Intenziuns por mësses: al n'é nia poscibl da di a Badia dütes les mësses che vëgn paiades porchël ne vëgnel menè valgünes ala Curia che se fistidiëia che ales vëgnes lites. La lista de chëstes mësses ciafëise te calonia.

Sëra cun retrac dla Cûra y propostes por la Sinoda: düc é dër bel invià en lünesc, ai 21 de otober do la Mëssa tla Ciasa Runcher a na sëra de reflesciun sön les propostes dla Sinoda y cun de bi retrac fora dla vita dla Cûra: festa dla comunità sö munt, San Iaco, sö La Crusc y atres.

Siur Degan